



A r o s

AKADEMIE REFORMATORIESE
OPLEIDING EN STUDIES

Prospektus 2023 vir studie in 2024.

Hier word roepingsgedrewe en doelgerigte studente vanuit 'n Christelik-Reformatoriese perspektief opgelei.



www.aros.ac.za



012 332 3227



info@aros.ac.za

Algemene Inligting	3
Hoekom Aros en Onderwys	3
Taalbeleid	3
Onderwyspraktik	3
Waar kan ek aansoek doen vir werk?	4
Waar kan ek tuisgaan tydens my studie indien ek van ver kom?	4
Beurse en lenings	4
Opedag en kampuskuierdag	4
Kampusbesoeke	4
Studentesake	5
Toelatingsvereistes	6
Toelatingsvereistes vir 2023	8
Hoe doen ek aansoek?	9
Wat beteken akkreditasie en registrasie vir jou?	9
Word 'n Aros-kwalifikasie internasionaal erken?	9
BEd in Grondslagfase-onderrig	10
Toelatingsvereistes	11
Modus van aanbieding	11
Kurrikuluminligting	11
Koste	12
BEd in Intermediêre Fase-onderrig	13
Toelatingsvereistes	14
Modus van aanbieding	14
Kurrikuluminligting	15
Koste vir beide spesialiseringrigtings	15
BEd in Seniorfase en Verdere Onderwys en Opleiding	16
Toelatingsvereistes	17
Modus van aanbieding	18
Kurrikuluminligting	18
Koste vir al die spesialiseringrigtings	18
Diploma in Graad R-onderrig	19
Toelatingsvereistes	20
Modus van aanbieding	20
Kurrikuluminligting	20
Koste	21
NGOS (Nagraadse Onderwyssertifikaat)	22
Toelatingsvereistes	23
Kurrikuluminligting	25
Modus van aanbieding	26
Koste (vir alle NGOS spesialiseringrigtings)	26
Hoër Sertifikaat in Onderwys	27
Toelatingsvereistes	28
Modus van aanbieding	28
Kurrikuluminligting	28
Koste	28
Deurgangroete na BEd-studie by Aros	29
Honneurs in Leerondersteuning	30
Toelatingsvereistes	31
Modus van aanbieding	31
Kurrikuluminligting	31
Koste	31

Hoekom Aros en onderwys?

Aros (Akademie Reformatoriese Opleiding en Studies) is daarvan oortuig dat dit vir die land in sy geheel, maar ook vir die onderwysberoep in die besonder, tot groot voordeel sal wees indien onderwysers die taak wat hulle verrig as 'n roeping sien. Om in hierdie doel te slaag, moet studente gelei word om God se koningskap in alle aspekte van die onderwys eerste te stel. Aros poog met hierdie opleiding om 'n bydrae te lewer tot die uitbouing van Christelike onderwys en die reformatie van Suid-Afrika.

Die groot tekort aan onderwysers wat tans heers, bied die ideale geleentheid om gelowige en kundige onderwysers op te lei ten einde 'n hoë onderrigstandaard te verseker. Christenonderwysers kan 'n wesenlike invloed hê op Suid-Afrikaners en só die gemeenskap dien.

By Aros word studente begelei om die onderwysberoep ten eerste as 'n roeping van die Here te aanvaar en te ervaar. Wanneer onderwys as 'n roeping gesien word, gee dit sin en betekenis aan die onderwysberoep. Studente wat by Aros studeer het, beskik oor beroepsgerigte opleiding. Hiertydens word daar ook op die ontwikkeling van Christelike waardes in die klaskamer gefokus. Aros-studente is hoog in aanvraag by Afrikaanse en Engelse privaat en openbare skole, 'n verskeidenheid van ander opvoedkundige instellings en ook op internasionale vlak.

Taalbeleid

By Aros is Afrikaans die ankertaal wat beteken dat onderrig in Afrikaans plaasvind, ander werksaamhede in Afrikaans geskied en navorsing in Afrikaans aangemoedig word.

Onderwyspraktyk

Onderwyspraktyk is die praktiese gedeelte van die kwalifikasie waar studente gedurende 'n vasgestelde periode praktiese ervaring by skole opdoen. Die student word deur Aros-personeel by die skool gemonitor en geassesseer. Aros het 'n lys van goedgekeurde skole wat aan die vereistes vir praktiese onderwys, volgens die riglyne van die regulatoriese liggame, voldoen. Studente mag skole voorstel wat nie op die lys is nie. Aros sal dan bepaal of die skole aan die riglyne van die regulatoriese liggame voldoen. Studente word in samewerking met Aros vir die praktieseonderwys-periode by 'n skool geplaas.

Studente kan by skole aansoek doen om 'n betrekking en daarna as 'n onderwysassistent aangestel word.

Die kontrak vind tussen die student en die skool plaas, en Aros het min of geen insae in die eise wat die skool aan die student stel nie. Studente wat voltyds by skole betrokke is, word aangeraai om hul studie oor 'n langer periode te versprei. Dit is egter nie 'n vereiste dat studente by 'n skool werksaam is nie. Studente in ander beroepe of wat voltyds slegs op hul studie wil fokus, word ook verwelkom.

Waar kan ek aansoek doen vir werk?

Verskeie buite-instansies plaas poste op Aros se webblad: www.aros.ac.za

Waar kan ek tuisgaan tydens my studie indien ek van ver kom?

Gaan loer gerus op Aros se webblad vir verblyfopsies: www.aros.ac.za

Beurse en lenings

Beurse en lenings is beskikbaar by die volgende instansies en studente kan self met hierdie instansies kontak maak. Die instansies wat studente kan kontak, is:

- Helpende Hand se Studiefondssentrum (www.helpendehand.co.za/studiefonds)
- Atterbury Trust (<https://atterburytrust.org/inligting/>)
- Rapport Onderwysfonds (www.rof.org.za)
- Afrikaanse Toekomsttrust (<https://afrikaansetoomtrust.org>)

Aros bied verskeie merietebeurse aan Aros-studente wat aan die vereistes voldoen:

- akademiese meriete (nuwelingeerstejaars)
- senior akademiese meriete (tweede- tot vierdejaars)
- leierskap, sport, kuns en kultuur
- redenaarskompetisie of olimpiade
- sport (prestasie op internasionale of nasionale vlak)
- fisiese gestremdheid
- wees- en pleegkinders
- meer as een Aros-student van dieselfde gesin

Vir verdere navrae hieroor kan Aros se finansiële afdeling gekontak word: rekening@aros.ac.za, of besoek gerus die webtuiste vir meer inligting: <https://www.aros.ac.za/WebItem/Detail/327>

Opedag en kampuskuierdag

Aros se opedag vind in 2023 op die **nuwe Aros-kampus in Montanapark** plaas. Hou gerus sosiale media dop en merk gerus **15 April 2023** op jou almanak. Ons sien uit daarna om jou meer van Aros te vertel.

Aros-kampus
Besembiesieweg 1037
Montanapark
Pretoria

Kampusbesoeke

Kampusbesoeke vind slegs per afspraak gedurende die week **(08:30-15:30)** plaas – bespreek jou plek by: hallo@aros.ac.za of telefonies by **(012) 332 3227**.

Ons vriendelike en bekwame bemerkers sal jou van hulp wees, en dit is ook hulle wat jou sal vertel dat dit 'n fees is om 'n Arrie te wees!

Navrae, webblad en telefoniese navrae

hallo@aros.ac.za www.aros.ac.za 012 332 3227

WIL JY MEER WEET?

Wil jy graag meer inligting hê of met een van ons bekwame bemerkers gesels? Skandeer hier, vul die vorm in en ons kom terug na jou toe!



Studentelewe

Aros het 'n eiesoortige studentelewe aangesien ons 'n gekombineerde model gebruik. Aros wil graag aan studente die geleentheid bied om vervulling en geluk tydens hul studentejare te beleef. Elke student moet aan die einde van sy of haar studie kan sê: "Dit is 'n fees om 'n Arrie te wees!"

Studentesake

Aros se Studentesake-departement het ten doel om studente met hul ontwikkelingsproses te help. Dit sluit die ontwikkeling van studente op 'n geestelike, emosionele, akademiese en sosiale vlak in.

Die berader:

Die pastorale berader ondersteun studente geestelik en emosioneel om studente sodoende vir die uitdagings van studentelewe toe te rus.

Die studente-ondersteuningskoördineerder:

Die studente-ondersteuningskoördineerder is betrokke by die ondersteuning, begeleiding en ontwikkeling van studente op 'n akademiese, emosionele en geestelike vlak. Studente word nie net toegerus vir die klaskamer nie, maar ook vir die wêreld buite die klaskamer. Die studente-ondersteuningskoördineerder bied elke semester studiewerkwinkelss aan wat op die verbetering en ontwikkeling van studente fokus. Temas sluit onder andere stres- en angshantering, eksamenvoorbereiding en nog vele meer in. Hulpverlening aan studente met hindernisse word ook deur die studente-ondersteuningskoördineerder hanteer.

Studentesake-afdelingshoof:

Die afdelingshoof is betrokke by die beplanning en bestuur van die departement in samewerking met die res van die span. Die afdelingshoof is dan ook die kontakpersoon wat alle kommunikasie met die Studenterraad en die Huiskomitee lede hanteer. Hulle skep saam 'n lekker en positiewe kampuslewe by Aros.

Dienste wat Studentesake lewer is die volgende:

- Studentelewe
- Akademiese steun
- Berading
- Portuurgroepondersteuning (klasverteenvoordigers)
- Werkwinkelss



Toelatingsvereistes

Toelating op grond van Senior Sertifikaat (SS) of Nasionale Senior Sertifikaat (NSS)

Ten einde vir toelating te kwalifiseer, moet 'n persoon oor 'n Senior Sertifikaat (voor 2008) of 'n Nasionale Senior Sertifikaat (vanaf 2008) beskik en aan die spesifieke vereistes van die kurrikulum voldoen. Die verpligte toelatingspunt en ander addisionele vereistes van elke kurrikulum word uiteengesit by die onderskeie kurrikulumuiteensettings.

Toelating op grond van ouderdom

'n Persoon ouer as 45 jaar kwalifiseer onvoorwaardelik.

Toelating op grond van naskoolse kwalifikasies vir die BEd-kurrikulums

'n Persoon wat nie goedkeuring vir graadstudie ontvang het nie, maar oor 'n Senior Sertifikaat (SS) of Nasionale Senior Sertifikaat (NSS) en 'n toepaslike naskoolse kwalifikasie beskik, moet by USAf vir moontlike universiteitstoelating aansoek doen.

Toelating op grond van kwalifikasie anders as die Senior Sertifikaat of Nasionale Senior Sertifikaat

'n Persoon kan op grond van kwalifikasies wat buite Suid-Afrika verwerf is vir voorwaardelike toelating vir BEd in Grondslagfase-onderrig of BEd in Intermediêre Fase: Sosiale Wetenskappe en Lewensvaardighede in aanmerking kom.

Belangrike toelatingsvereistes

- Die student moet tydens die aansoekproses 'n SAKO- (SAQA) evaluasiesertifikaat aanvra.
- Die Toelatingskomitee sal dan besin oor die toelating.

Toelating op grond van erkenning van vorige leer (EVL)

Erkenning van vorige leer dien as 'n alternatiewe toelatingsroete tot die instelling of 'n wyse waarop module-erkenning kan geskied. Erkenning van vorige leer is daarop gemik om 'n student se vorige informele leerervarings te vergelyk met die uitkomst van 'n formele kwalifikasie waarvoor die student ingeskryf is of beplan om voor in te skryf. Bewyse van vorige leer moet gevolglik direk in verband gebring word met die program en die module-uitkomst van die formele kwalifikasie waarvoor daar aansoek gedoen word.

Die EVL-prosedure kan volgens die oordeel van Aros voldoening aan een of meer van die volgende vereistes insluit:

- bepaalde resultate in 'n stel toetse;
- voorlegging van bewys van vaardighede waarop aanspraak gemaak word;
- geslaagde onderhoude; en/of
- die bereiking van bepaalde uitkomst in 'n goedgekeurde kurrikulum by Aros.

Daar is 'n koste aan 'n aansoek om EVL verbonde, soos in die Betaalbare gelde en finansiële reëls van die instelling vasgestel.

Vir enige navrae oor EVL kan 'n e-pos versend word aan die registrateur:
chantal.snyman@aros.ac.za

Module-erkenning

Geen eksamen word in die module geskryf nie. Dit word as geslaag beskou. Geen krediete word tydens module-erkenning toegeken nie.

Toelating op grond van kredietakkumulering en -oordrag (KAO)

Dit geskied wanneer 'n student 'n module by 'n ander tersiêre instansie geslaag het en die krediete vir hierdie module na 'n soortgelyke module op dieselfde NKR-vlak by Aros oorgedra word. Die student hoef nie hierdie module by Aros te herhaal nie.

Dit is belangrik om daarop te let dat KAO slegs toegepas kan word op hoogstens 50% van die modules wat vir die betrokke kurrikulum by Aros vereis word.

Vir enige navrae oor KAO kan 'n e-pos versend word aan Akademiese Administrasie:
admin@aros.ac.za

Bykomende vereistes

- Die voornemende student moet van voorneme wees om 'n Reformatories-lewensbeskoulike studie te volg. **Studente** moet **kennis** dra dat **Aros 'n Christelik-Reformatoriese karakter het en dat leer en onderrig vanuit hierdie perspektief gegee word.**
- Studente moet rekenaarvaardig wees in die gebruik van Microsoft Office en die gebruik van die internet. Toegang tot 'n rekenaar met 'n kamera en die internet is verpligtend, want elektroniese kommunikasie vorm 'n belangrike deel van onderrig. Die minimum rekenaarvereistes is soos volg:
 - i3-rekenaar
 - 4 GB RAM
 - 320-500 GB HDD
 - Windows 7/8/10 en Office 2013/2016/2019 of Office 365

Die toelatingspunt vir 'n Nasionale Senior Sertifikaat (NSS) word soos volg bereken:

- Die prestasie wat in sewe vakke behaal is, word gebruik om die toelatingspunt te bereken.
- Goedkeuring vir graadstudie word verleen wanneer 'n NSS geëndosseer is met die inskrywing dat die persoon voldoen aan die minimum vereistes vir toelating tot graadstudie aan 'n tersiêre instelling. 'n Persoon verkry goedkeuring vir graadstudie indien 50% in minstens vier vakke behaal is (Lewensoriëntering uitgesluit).
- Toelating tot Aros word bepaal deur van 'n formule gebruik te maak. Die persentasie wat in elke vak behaal is, word gebruik, en op grond van die spesifieke formule word 'n punt per vak bereken. Die toelatingspunt is die totaal van al sewe vakke en bepaal verder vir watter kurrikulums toelating verkry kan word. Die onderstaande tabel dui die formule aan wat gebruik word ten einde die toelatingspunt te bepaal. Sien die kurrikulumspesifieke vereiste by elke kurrikulum.

TABEL MET PUNTE

GROEP 1	GROEP 2
Formule: Persentasie behaal X2 Bv. 60% = 120 punte	Formule: Persentasie behaal X1 Bv. 60% = 60 punte
• Besigheidstudies • Dramatiese Kunste • Ekonomie • Fisiese Wetenskappe • Geografie • Geskiedenis • Ingenieursgrafika en -Ontwerp • Inligtingstechnologie • Landbouwetenskappe • Lewenswetenskappe • Musiek • Rekeningkunde • Religiestudies • Tale ('n Derde taal mag vir toelating bygevoeg word.) • Verbruikerstudies • Visuele Kunste • Wiskunde	• Dansstudies • Elektriese Tegnologie • Gasvryheidstudies • Landboubestuurspraktyk • Landboutegnologie • Lewensoriëntering • Meganiese Tegnologie • Ontwerp • Rekenaartoepassingstechnologie • Siviele Tegnologie • Tale (nie-amptelike tale) • Toerisme • Tegniese Wetenskappe • Tegniese Wiskunde • Wiskundige Geletterdheid • Enige ander vak wat nie in Groep 1 en 2 genoem is nie.

Hoe doen ek aansoek?

Aros se aansoeke vind slegs aanlyn plaas by www.aros.ac.za

Belangrike datums met die oog op aansoeke vir studie in 2024:

- Aansoeke open 1 April 2023
- Aansoeke sluit 31 Oktober 2023

Die volgende dokumente word benodig vir jou aansoek:

- 'n Gesertifiseerde afskrif van jou **ID** word benodig.
- 'n Gesertifiseerde afskrif van jou **huweliksertifikaat** (indien getroud) word benodig.
- 'n Gesertifiseerde afskrif van **matriekuitslae** OF die **graad 11- finale rapport** word benodig indien die leerder in graad 12 is.
- Vir **NGOS- en Honneurs**-aansoeke word 'n gesertifiseerde afskrif van jou **akademiese rekord(s) en graadsertifikaat/graadsertifikaat** benodig.
- 'n Bewys van **betaling** van die aansoekfoo: R250,00
- 'n Voornemende student sal ná afloop van die aansoekproses 'n e-pos ontvang.
- Op die e-pos is daar 'n finansiële ooreenkoms wat afgelaai en onderteken moet word.

Neem kennis dat slegs volledige aansoeke verwerk sal word.

Wat beteken akkreditasie en registrasie vir jou?


Dit beteken dat Aros 'n Diploma in Graad R-onderrig, 'n BEd in Grondslagfase-onderrig, 'n BEd in Intermediêre Fase-onderrig, 'n BEd in Senior Fase en Verdere Onderwys en Opleiding en 'n Nagraadse Onderwyssertifikaat kan aanbied. Nadat hierdie studie voltooi is, kan Aros dus 'n diploma, graad of sertifikaat uitreik. Enige van hierdie kwalifikasies bemagtig jou om onderwys by 'n openbare en/of privaat skool in die taal van jou keuse te gee. Aros is een van enkele private instellings in Suid-Afrika wat dit mag doen.

Word 'n Aros-kwalifikasie internasionaal erken?

As 'n hoërsonderwysinstelling werk Aros se akkreditasie- en registrasieproses op presies dieselfde wyse as enige ander hoërsonderwysinstelling in Suid-Afrika. Dieselfde owerheidsliggame keur al hierdie instellings se kwalifikasies goed en verleen aan die instellings, hetsy publiek of privaat, goedkeuring om die kwalifikasies aan te bied. Die kwalifikasies by Aros is dus nie minder of meer kredietwaardig as 'n ander instelling se kwalifikasies nie. Indien 'n student oorsee wil gaan werk, moet hy/sy by die spesifieke land se ambassade oor die addisionele vereistes navraag doen, sou die student oor 'n Suid-Afrikaanse kwalifikasie beskik.



A r o s



BEd in Grondslagfase-onderwijs

G r a a d R - 3



www.aros.ac.za



012 332 3227



info@aros.ac.za

Die BEd in Grondslagfase-onderrig is spesifiek gerig op die opleiding van onderwysers wat binne die Grondslagfase (graad R tot 3) onderrig wil gee. Binne die verskillende spesialisingsvelde van die kurrikulum word daar gefokus op die onderrig van Huistaal, Eerste Addisionele Taal, Wiskunde en Lewensvaardighede.

Toelatingsvereistes

Nasionale Senior Sertifikaat (NSS)	Senior Sertifikaat (SS) Voor 2008 gematrikuleer
• 600 Aros-toelatingspunte (Die berekening van die toelatingspunt word op bladsy 8 uiteengesit.) • 50% vir Afrikaans Huistaal/Afrikaanse Eerste Addisionele Taal. • 50% vir Engels Huistaal/Engels Eerste Addisionele Taal. • Universiteitstoelating. • Voornemende studente met 'n punt van ten minste 570 sal in aanmerking kom vir plasing op die waglys. Sodanige studente sal teen 31 Oktober toelating kan ontvang, sou kapasiteit dit toelaat.	• Universiteitstoelating. • Indien 'n voornemende student nie universiteitstoelating ontvang het nie, is 'n taal op HG 'n vereiste en nie minder as vier E's op HG of SG (nie LG nie) nie. Aros doen aansoek vir die student by USAf vir voorwaardelike toelating tot graadstudie.

Modus van aanbieding

- Die modus van aanbieding is afstandsonderrig met addisionele ondersteuning aan studente deur middel van direkte kontakssessies en/of interaktiewe aanlyn sessies, werkwinkelss of ekstra klasse.
- Onderrig-ondersteuning vind deurlopend deur middel van e-Klas (aanlyn) plaas.
- Toetse en eksamens word deur die loop van die dag aanlyn afgeleë vanaf 'n Maandag tot 'n Saterdag. Datums en tye word vroegtydig gekommunikeer.
- Praktiese onderwys: Daar word van studente verwag om vir bepaalde tye praktiese ondervinding by skole op te doen. Studente word vir die praktieseonderwys-periode deur Aros by 'n skool geplaas. Dit geld vir gevalle waar die student nie alreeds by 'n skool betrokke is nie.
 - Eerstejaarstudente begin met praktiese onderwys in die derde skoolkwartaal.
 - Tweedejaarstudente voltooi twee aaneenlopende tydperke van drie weke elk. Die tydperke word tydens die tweede en derde skoolkwartaal voltooi in 'n graad R-klas.
 - Tydens die eerste en derde skoolkwartaal voltooi derdejaarstudente drie aaneenlopende weke elk in graad 2- of 3-klasse.
 - Vierdejaarstudente voltooi drie aaneenlopende tydperke van drie weke elk. Wanneer die skool in die eerste kwartaal begin, vind die eerste drie weke in 'n graad 1-klaskamer plaas.

Kurrikuluminligting

- NKR-vlak 7: 504 krediete.
- Aantal modules per jaar: ± ses modules per semester.
- Tydsduur: vier jaar.

Beraamde kostes vir 2024

- Aansoekgeld: R250,00.
- Registrasie: R3 500,00 (die eerste deposito is betaalbaar in Januarie 2024).
- Klasgeld: ± **R47 040** (die eerste deposito is ingesluit).
- Handboeke: ± **R7 000,00**.



A r o s



BEd in Intermediêre Fase-Onderrig

G r a a d 4 - 7



www.aros.ac.za



012 332 3227



info@aros.ac.za

Die BEd in Intermediêre Fase-onderrig (graad 4 tot 7) rus die student toe om die vakspesifieke beginsels en teorie van die spesifieke fase te verstaan en in die praktyk toe te pas.

Aros bied twee spesialiseringrigtings vir BEd Intermediêre Fase aan:

1. Wiskunde en Natuurwetenskappe
2. Lewensvaardighede en Sosiale Wetenskappe

Toelatingsvereistes

Nasionale Senior Sertifikaat (NSS)	Senior Sertifikaat (SS) Voor 2008 gematrikuleer
• 600 Aros-toelatingspunte (Die berekening van die toelatingspunt word op bladsy 8 uiteengesit.) • 50% vir Afrikaans Huistaal/Afrikaanse Eerste Addisionele Taal. • 50% vir Engels Huistaal/Engels Eerste Addisionele Taal. • Universiteitstoelating. • Studente wat die kurrikulum vir Wiskunde en Natuurwetenskappe wil volg, moet 50% in Wiskunde behaal het. Fisiese Wetenskappe, Lewenswetenskappe of Geografie word aanbeveel. Studente met Wiskundige Geletterdheid kwalifiseer nie vir hierdie rigting nie. • Voornemende studente met 'n punt van ten minste 570 sal in aanmerking kom vir plasing op die waglys. Sodanige studente sal teen 31 Oktober toelating kan ontvang, sou kapasiteit dit toelaat.	• Universiteitstoelating. • Indien 'n voornemende student nie universiteitstoelating ontvang het nie, is 'n taal op HG 'n vereiste en nie minder as vier E's op HG of SG (nie LG nie) nie. Aros doen aansoek vir die student by USAf vir voorwaardelike toelating tot graadstudie. • Studente wat die kurrikulum vir Wiskunde en Natuurwetenskappe wil volg, moet vir Wiskunde SG 'n E-simbool behaal het.

Modus van aanbieding

- Die modus van aanbieding is afstandsonderrig met addisionele ondersteuning aan studente deur middel van direkte kontakssessies en/of interaktiewe aanlyn sessies, werkwinkelss of ekstra klasse.
- Onderrig-ondersteuning vind deurlopend deur middel van e-Klas (aanlyn) plaas.
- Toetse en eksamens word deur die loop van die dag aanlyn afgelê vanaf 'n Maandag tot 'n Saterdag. Datums en tye word vroegtydig gekommunikeer.
- Praktiese onderwys: Daar word van studente verwag om vir bepaalde tye voorgeskrewe praktiese onderwys by laerskole in die Intermediêre Fase te voltooi. Studente word vir die praktieseonderwys-tydperk deur Aros by 'n skool geplaas. Dit geld vir gevalle waar die student nie alreeds by 'n laerskool betrokke is nie.
 - Eerstejaarstudente begin met praktiese onderwys in die derde skoolkwartaal deur een tydperk van drie aaneenlopende weke te voltooi.
 - Tydens die tweede en derde skoolkwartaal voltooi tweedejaarstudente twee tydperke van drie aaneenlopende weke elk.
 - Tydens die tweede en derde skoolkwartaal voltooi derdejaarstudente twee tydperke van drie aaneenlopende weke elk.
 - Tydens die tweede en derde skoolkwartaal voltooi vierdejaarstudente twee tydperke van drie aaneenlopende weke elk.

Kurrikuluminligting

Wiskunde en Natuurwetenskappe

- NKR-vlak 7: 504 krediete.
- Aantal modules per jaar: $\pm$ agt modules per semester.
- Tydsduur: vier jaar.

Lewensvaardighede en Sosiale Wetenskappe

- NKR-vlak 7: 504 krediete.
- Aantal modules per jaar: $\pm$ agt modules per semester.
- Tydsduur: vier jaar.

Beraamde kostes vir 2024 (vir alle spesialiseringstogtings)

- Aansoekgeld: R250,00.
- Registrasie: R3 500,00 (die eerste deposito is betaalbaar in Januarie 2024).
- Klasgeld: $\pm$ **R47 040** (die eerste deposito is ingesluit).
- Handboeke: $\pm$ **R7 000,00**.



A r o s



*BEd in Senior Fase en
Verdere Onderwys en Opleiding*

G r a a d 7 - 12



www.aros.ac.za



012 332 3227



info@aros.ac.za

Die BEd in SF & VOO rus die student toe om die vakspesifieke leerinhoude vir leerders vanaf graad 7 tot 12 in die praktyk effektief te onderrig.

Daar is drie spesialiseringsrigtings wat Aros aanbied:

1. Tale
2. Ekonomiese en Bestuurswetenskappe
3. Natuurwetenskappe - Wiskunde en Lewenswetenskappe **OF** Wiskundige Geletterdheid en Lewenswetenskappe

Toelatingsvereistes

Nasionale Senior Sertifikaat (NSS)	Senior Sertifikaat (SS) Voor 2008 gematrikuleer
• 600 Aros-toelatingspunte (Die berekening van die toelatingspunt word op bladsy 8 uiteengesit.) • Universiteitstoelating • 50% vir Afrikaans Huistaal/Afrikaans Eerste Addisionele Taal. • 50% vir Engels Huistaal/Engels Afrikaans Eerste Addisionele Taal. • Studente wat die Talekurrikulum wil volg, moet 60% in Afrikaans Huistaal en Engels Eerste Addisionele Taal behaal het. • Daar word aanbeveel dat studente wat die Ekonomiese en Bestuurswetenskappekurrikulum wil neem Rekeningkunde en Besigheidstudies/Ekonomie tot op matriekvlak geslaag het. • Daar word aanbeveel dat studente wat die Natuurwetenskappekurrikulum wil neem Lewenswetenskappe tot op matriekvlak geslaag het. • Studente wat die Natuurwetenskappe: Wiskunde en Lewenswetenskappe wil volg, moet vir Wiskunde 50% behaal het. • Studente wat Natuurwetenskappe: Wiskundige Geletterdheid en Lewenswetenskappe wil neem, moet Wiskunde of Wiskundige Geletterdheid op matriekvlak geslaag het. • Voornemende studente met 'n punt van ten minste 570 sal in aanmerking kom vir plasing op die waglys. Sodanige studente sal teen 31 Oktober toelating kan ontvang, sou kapasiteit dit toelaat.	• Universiteitstoelating. • Studente wat die Natuurwetenskappekurrikulum - Wiskunde en Lewenswetenskappe wil volg, moet vir Wiskunde SG 'n D-simbool behaal het. • Indien 'n voornemende student nie universiteitstoelating ontvang het nie, is 'n taal op HG 'n vereiste en nie minder as vier E's op HG of SG (nie LG nie) nie. Aros doen aansoek vir die student by USAf vir voorwaardelike toelating tot graadstudie. • Studente wat die Talekurrikulum wil volg, moet vir Afrikaans en Engels HG 'n C-simbool behaal het.

Modus van aanbieding

- Die modus van aanbieding is afstandsonderrig met addisionele ondersteuning aan studente deur middel van direkte kontakssessies en/of interaktiewe aanlyn sessies, werkwinkelss of ekstra klasse.
- Onderrig-ondersteuning vind deurlopend deur middel van e-Klas (aanlyn) plaas.
- Toetse en eksamens word deur die loop van die dag aanlyn afgelê vanaf 'n Maandag tot 'n Saterdag. Datums en tye word vroegtydig gekommunikeer.
- Praktiese onderwys: Daar word van studente verwag om vir bepaalde tye praktiese ondervinding by skole op te doen. Studente word vir die praktieseonderwys-periode deur Aros by 'n hoërskool geplaas. Dit geld vir gevalle waar die student nie alreeds by 'n skool betrokke is nie.
 - Eerstejaarstudente begin met praktiese onderwys in die derde skoolkwartaal vir 'n aaneenlopende tydperk van drie weke.
 - Tweedejaarstudente voltooi twee aaneenlopende tydperke van drie weke elk.
 - Derdejaarstudente voltooi twee aaneenlopende tydperke van drie weke elk.
 - Vierdejaarstudente voltooi drie aaneenlopende tydperke van drie weke elk. Die eerste drie weke vind plaas met die aanvang van die skooljaar in die eerste kwartaal.

Kurrikuluminligting

Tale

- NKR-vlak 7: 504 krediete.
- Aantal modules per jaar: ± twee tot drie modules per blok.
- Tydsduur: vier jaar.

Ekonomiese en Bestuurswetenskappe

- NKR-vlak 7: 504 krediete.
- Aantal modules per jaar: ± twee tot drie modules per blok.
- Tydsduur: vier jaar.

Natuurwetenskappe: Wiskunde en Lewenswetenskappe OF Wiskundige Geletterdheid en Lewenswetenskappe

- NKR-vlak 7: 504 krediete.
- Aantal modules per jaar: ± twee tot drie modules per blok.
- Tydsduur: vier jaar.

Beraamde kostes vir 2024 (vir alle spesialiseringsrigtings)

- Aansoekgeld: R250,00.
- Registrasie: R3 500,00 (die eerste deposito is betaalbaar in Januarie 2024).
- Klasgeld: ± **R42 690** (die eerste deposito is ingesluit).
- Handboeke: ± **R7 000,00**.



A r o s



Diploma in Graad R-onderrig
G r a a d R



www.aros.ac.za



012 332 3227



info@aros.ac.za

As deel van Grondslagfase-onderwys in Suid-Afrika is graad R-onderrig spesifiek daarop gerig om graad R-leerders toe te rus met die nodige waardes, vaardighede en kennis, wat noodsaaklike boustene vir formele onderrig in graad 1 is.

Aros bied 'n graad R-diploma aan vir onderwysers wat graad R-poste in kleuterskole en laerskole beklee.

Die kwalifikasie strek oor 'n tydperk van drie jaar en sluit 'n praktiese komponent in.

Toelatingsvereistes

Nasionale Senior Sertifikaat (NSS)	
• 520 Aros-toelatingspunte. • 50% vir Afrikaans Huistaal/Afrikaanse Eerste Addisionele Taal. • 50% vir Engels Huistaal/Engels Eerste Addisionele Taal. • Diploma- of universiteitstoelating. • Voornemende studente moet bewys lewer dat hulle werksaam in 'n graad R-klas is. • Voornemende studente met 'n punt van ten minste 480 sal in aanmerking kom vir plasing op die waglys. Sodanige studente sal teen 31 Oktober toelating kan ontvang, sou kapasiteit dit toelaat.	• Senior Sertifikaat. • Voornemende studente moet bewys lewer dat hulle werksaam in 'n graad R-klas is.

Modus van aanbieding

- Die modus van aanbieding is afstandsonderrig met addisionele ondersteuning aan studente deur middel van direkte kontakssessies en/of interaktiewe aanlyn sessies, werkwinkelss of ekstra klasse.
- Onderrig-ondersteuning vind deurlopend deur middel van e-Klas (aanlyn) plaas.
- Toetse en eksamens word deur die loop van die dag aanlyn afgelê vanaf 'n Maandag tot 'n Saterdag. Datums en tye word vroegtydig gekommunikeer.
- Praktiese onderwys: Daar word van studente verwag om vir bepaalde tye praktiese ondervinding by skole op te doen. Studente word vir die praktieseonderwys-periode deur Aros by 'n skool geplaas. Dit geld vir gevalle waar die student nie alreeds by 'n skool betrokke is nie.
 - Eerstejaarstudente begin met praktiese onderwys in die derde skoolkwartaal.
 - Tweedejaarstudente voltooi ses weke van praktiese onderwys: twee weke in die tweede skoolkwartaal en vier weke in die derde skoolkwartaal.
 - Derdejaarstudente voltooi hul praktieseonderwys-periode vanaf die eerste skooldag vir drie weke. Dieselfde proses word gedurende die tweede en derde kwartaal gevolg.

Kurrikuluminligting


- NKR-vlak 6: 380 krediete.
- Aantal modules per jaar: ±sewe per semester.
- Tydsduur: drie jaar.

Beraamde kostes vir 2024

- Aansoekgeld: R250,00.
- Registrasie: R3 500,00 (die eerste deposito is betaalbaar in Januarie 2024).
- Klasgeld: ± **R41 440,00** (die eerste deposito is hierby ingesluit).
- Handboeke: ± **R7 000,00**.



Aros



NGOS (Nagraadse Onderwyscertifikaat)

Graad 7 - 12



www.aros.ac.za



012 332 3227



info@aros.ac.za

NGOS (Nagraadse Onderwysertifikaat)

Die NGOS en SF & VOO rus die student, wat reeds oor die nodige vakkennis in 'n vakgebied beskik, toe om die vakspesifieke leerinhoud vir leerders vanaf graad 7 tot 12 in die praktyk effektief te onderrig.

Toelatingsvereistes

Voornemende studente moet in besit wees van 'n toepaslike 360 krediet NKR-vlak 6-diploma of 'n 360 krediete NKR vlak 7-baccalaureusgraad. Hier moet studente se vakkombinasies van so 'n aard wees dat hulle twee onderrigmetodologieë kan aanbied, naamlik een Senior Fase-vak en een Verdere Onderwys- en Opleidingsvak.

Toelatingsvereistes vir NGOS (Senior Fase en Verdere Onderwys- en Opleidingsonderrig) behels:

- 'n toepaslike kwalifikasie vir een van die vier spesialiseringrigtings
- 'n Senior Fase-spesialisering (toepaslike vakke op tweedejaarsvlak)
- 'n Verdere Onderwys- en Opleidingspesialisering ('n toepaslike hoofvak wat ten minste op tweedejaarsvlak op NKR-vlak 7 voltooi is): Indien tale as 'n hoofvak in VOO gekies word, is die voorvereiste dat dit tot op derdejaarsvlak (NKR-vlak 7) geslaag is.

Aros bied die volgende NGOS-rigtings aan:

TALE	
Spesialiseringrigtings	Voorvereistes om toelating
Afrikaans Huistaal (VOO en SF)	VOO & SF: • Afrikaans 3
Engels Eerste Addisionele Taal (VOO en SF)	VOO & SF: • Engels 3
Afrikaans Huistaal (VOO) en Engels Eerste Addisionele Taal (SF)	VOO: • Afrikaans 3 SF: • Engels 2
Engels Eerste Addisionele Taal (VOO) en Afrikaans Huistaal (SF)	VOO: • Engels 3 SF: • Afrikaans 2
EKONOMIESE EN BESTUURSWETENSKAPPE	
Spesialiseringrigtings	Voorvereistes om toelating
Rekeningkunde (VOO) en Ekonomiese en Bestuurswetenskappe (SF)	VOO: • Rekeningkunde 2 of • Finansiële Bestuur 2 en Rekeningkunde 1 SF: • Rekeningkunde 2 of • Ekonomie 2 of • Besigheidsbestuur 2 of • Besigheidsadministrasie 2
Besigheidstudies (VOO) en Ekonomiese en Bestuurswetenskappe (SF)	VOO: • Besigheidsbestuur 2 of • Besigheidsekonomie 2 of • Besigheidsadministrasie 2 of • Kleinbesigheidsbestuur 2 SF: • Rekeningkunde 2 of • Ekonomie 2 of • Besigheidsbestuur 2 of • Besigheidsadministrasie 2

NATUURWETENSKAPPE

Spesialiseringsrigtings	Voorvereistes om toelating
Lewenswetenskappe (VOO) en Wiskunde (SF)	VOO: • Botanie 2 en Soölogie 1 of • Soölogie 2 en Botanie 1 of • Biologie 2 SF: • Wiskunde 2
Lewenswetenskappe (VOO) en Natuurwetenskappe (SF)	VOO: • Botanie 2 en Soölogie 1 of • Soölogie 2 en Botanie 1 of • Biologie 2 SF: • Biologie 2 of Botanie 2 of • Soölogie 2 of • Fisika 2 of • Chemie 2 of • Geografie 2
Wiskunde (VOO) en Natuurwetenskappe (SF)	VOO: • Wiskunde 2 of • Statistiek 2 of • Toegepaste Wiskunde 2 SF: • Biologie 2 of • Botanie 2 of • Soölogie 2 of • Fisika 2 of • Chemie 2 of • Geografie 2
Wiskundige Geletterdheid (VOO) en Wiskunde (SF)	VOO • Wiskunde 2 of • Statistiek 2 of SF: • Toegepaste Wiskunde 2
Wiskunde (VOO en SF)	VOO • Wiskunde 2 of • Statistiek 2 of SF: • Toegepaste Wiskunde 2
Wiskundige Geletterdheid (VOO) en Natuurwetenskappe (SF)	VOO: • Wiskunde 2 of • Statistiek 2 of • Toegepaste Wiskunde 2 SF: • Biologie 2 of • Botanie 2 of • Soölogie 2 of • Fisika 2 of • Chemie 2 of • Geografie 2

VERBRUIKERSWETENSKAPPE

Spesialiseringsrigtings	Voorvereistes om toelating
Verbruikerstudies (VOO) en Ekonomiese en Bestuurswetenskappe (SF)	VOO: • Verbruikerswetenskappe-graad of Huishoudkundegraad of Voeding en Gesinsekologie-graad. SF: • Rekeningkunde 2 of Ekonomie 2 of Besigheidsadministrasie 2 of 'n bestuursmodule op tweedejaarsvlak

Studente wat deeltjyds vir die NGOS geregistreer is, se moduleverdeling is as volg:

MODULEVERDELING JAAR 1		
JAAR 1	SEMESTER 1	SEMESTER 2
	• OPVS511	• FILO521
	• PREL511	• EDTS521
	• ASSE511	
	ELEKTIEWE VIR DIE SF:	ELEKTIEWE VIR DIE SF:
	• AFHS511 • EATS511 • EBWS511 • NATS511 • WISS511	• AFHS521 • EATS521 • EBWS521 • NATS521 • WISS521
• PRAK513:	• Portefeulje 1 (Onderrig van ‘n vak in die SF) • Portefeulje 2 (Kritlesse in ‘n vak in die SF)	
MODULEVERDELING JAAR 2		
JAAR 2	SEMESTER 1	SEMESTER 2
	• TECE511	• LOND521
	• BYBK511	
	ELEKTIEWE VIR DIE VOO:	ELEKTIEWE VIR DIE VOO:
	• AFHV511 • EATV511 • GELV511 • LEWV511 • WISV511 • REKV511 • BESV511 • VERB 511	• AFHV521 • EATV521 • GELV521 • LEWV521 • WISV521 • REKV521 • BESV521 • VERB 521
• PRAK513:	• Portefeulje 3 (Onderrig van ‘n vak in die VOO) • Portefeulje 4 (Kritlesse in ‘n vak in die VOO)	

Kurrikuluminligting

- NKR-vlak 7.
- Aantal modules per jaar: ± twee tot drie modules per blok.
- Tydsduur: **voltyds** (een jaar met vergunning tot twee jaar) of **deeltjyds** (twee jaar met vergunning tot drie jaar).

Modus van aanbieding

- Hierdie kurrikulum word aangebied deur middel van 'n afstandsonderrigmodel met 'n hoë vlak van aanlyn ondersteuning.
- Onderrig-ondersteuning vind deurlopend deur middel van e-Klas (aanlyn) plaas.
- Toetse en eksamens word deur die loop van die dag aanlyn afgelê vanaf 'n Maandag tot 'n Saterdag. Datums en tye word vroegtydig gekommunikeer.
- Praktiese onderwys: Daar word van studente verwag om vir bepaalde tye praktiese ondervinding by hoërskole op te doen. Die praktiese tydperke sal bepaal word deur die student se keuse om die NGOS voltyds of deeltys te voltooi. Om aan die vereistes te voldoen, moet die student altesaam agt weke van praktiese onderwys by 'n hoërskool voltooi. Daar word aanbeveel dat ten minste vier van die agt weke praktiese onderwys aaneenlopend voltooi word, met 'n minimumvereiste van twee weke aaneenlopend.

Beraamde kostes vir 2024 (vir alle NGOS spesialiseringstogtings)

- Aansoekgeld: R250,00.
- Registrasie: R3 500,00 (eerste deposito is betaalbaar in Januarie 2022).
- Klasgeld: ***±R48 360 (eerste deposito is ingesluit)***.
- Handboeke: ***±R7 000,00***.



A r o s



Hoër Sertifikaat

Jou toegang tot graadstudie



www.aros.ac.za



012 332 3227



info@aros.ac.za

Doel

Die Hoër Sertifikaat in Onderwys het 'n tweeledige doel. Eerstens het hierdie sertifikaat ten doel om studente voor te berei om as 'n onderwysassistent te werk. Tweedens wil hierdie sertifikaat ook aan kandidate wat potensiaal toon maar nie aan die minimum-intreevlakvereistes vir Aros se BEd-programme sou voldoen nie 'n billike kans op sukses bied.

Dit is belangrik dat aansoekers daarop let dat die Hoër Sertifikaat nie die uitreiking van 'n SARO-nommer vir doeleindes van 'n onderwysassistentpos verseker nie. Die kandidaat moet ná afloop van die Hoër Sertifikaat vir 'n BEd-program inskryf ten einde vir 'n SARO-nommer te kan aansoek doen.

Toelatingsvereistes

Die minimum-intreevlakvereistes is 'n Nasionale Senior Sertifikaat, 'n Senior Sertifikaat of 'n Nasionale Sertifikaat (beroepsgerig).

Voornemende studente wat tans in matriek is, ontvang voorlopige toelating op grond van die Graad 11-finale rapport. Finale toelating word gegee op grond van die matriekuitslae wat Januarie 2024 ontvang word. Indien die matriekuitslae aan die vereistes van BEd-studies voldoen, kan die kurrikulum in Januarie 2024 nog gewysig word.

Modus van aanbieding

- Hierdie kurrikulum word aangebied deur middel van 'n afstandsonderrigmodel met 'n hoë vlak van aanlyn ondersteuning.
- Onderrig-ondersteuning vind deurlopend deur middel van e-Klas (aanlyn) plaas.
- Toetse en eksamens word deur die loop van die dag aanlyn afgelê vanaf 'n Maandag tot 'n Saterdag. Datums en tye word vroegtydig gekommunikeer.

Kurrikuluminligting

- NKR-vlak: 5
- Krediete: 120
- Modules per jaar: 10 (eerste semester: vyf; tweede semester: vyf)
- Studietydperk: Maksimum toelaatbare tyd vir voltooiing van die Hoër Sertifikaat is twee jaar.

Beraamde kostes vir 2024

- Aansoekgeld: R250,00.
- Registrasie: R3 500,00 (eerste deposito is betaalbaar in Januarie 2022).
- Klasgeld: **±R41 240,00 (eerste deposito is ingesluit).**
- Handboeke: **±R7 000,00.**

Deurgangstroete na BEd-studie by Aros

Vir toegang tot die volgende BEd-programme is addisionele toelatingsvereistes van toepassing:

BEd-program:	Verdere vereistes:
• BEd in Grondslagfase	• Geen
• BEd in Intermediêre Fase: Wiskunde en Natuurwetenskappe	• 50% behaal vir Wiskunde in matriek
• BEd in Intermediêre Fase: Sosiale Wetenskappe en Lewensvaardighede	• Geen
• BEd in SF en VOO: Tale	• 60% behaal in Afrikaans Huistaal / Eerste Addisionele Taal en 60% behaal in Engels Huistaal / Eerste Addisionele Taal in matriek
• BEd in SF en VOO: Ekonomiese Bestuurswetenskappe	• Geen
• BEd in SF en VOO: Wiskunde en Lewenswetenskappe	• 50% behaal in Wiskunde in matriek
• BEd in SF en VOO: Wiskundige Geletterdheid en Lewenswetenskappe	• Slaag Wiskunde of Wiskundige Geletterdheid in matriek.
• <i>Neem kennis dat daar vir sekere programme ‘n aanbeveling is vir matriekvakke wat geslaag moet word, maar dat dit nie ‘n vereiste is nie. Raadpleeg die afsonderlike spesialisering-rigtings vir meer inligting.</i>	

- Gestel dat u die Hoër Sertifikaat suksesvol voltooi het en u nie “baccalaureus-toelating” op u matrieksertifikaat behaal het nie en u wel u graadstudie by Aros wil voortsit. In sodanige geval sal Aros vir u aansoek doen by USAf vir “baccalaureus-toelating”. Die onkoste hieraan verbonde is vir u eie rekening en wissel jaarliks volgens USAf se voorgeskrewe tariewe. Hierdie verandering van ‘n student se status met betrekking tot naskoolse studie berus by USAf.
- Studente moet asseblief kennis neem dat beëdiging van dokumente (identiteitsdokumente en matrieksertifikate) vir USAf-doeleindes by ‘n notaris gedoen moet word, anders word dit nie deur USAf aanvaar nie. ‘n Notaris is ‘n prokureur wat ‘n verdere eksamen geskryf het en ‘n aanvullende kwalifikasie verwerf het. Indien Aros dus nie nou korrekte gesertifiseerde dokumente vir USAf-doeleindes ontvang het nie, sal Akademiese Administrasie u kontak oor wanneer daar by USAf aansoek gedoen moet word.



A r o s

AKADEMIE REFORMATORIESE
OPLEIDING EN STUDIES

Honneurs

in Leerondersteuning



www.aros.ac.za



012 332 3227



info@aros.ac.za

Honneurs in Leerondersteuning

Die BEdHons in Leerondersteuning het ten doel om studente se teoretiese kennis in die leerondersteuningsveld te konsolideer en te verdiep ten einde leerders in **primêre skole (Grondslagfase en Intermediêre Fase)** met diverse leerhindernisse doeltreffend te assesseer, ondersteun en bemagtig. Die program sal studente in staat stel om diverse en unieke leervermoëns en -uitdagings te identifiseer en dit binne die gees van inklusiewe onderwys te akkommodeer.

Toelatingsvereistes

- 'n Vierjaar- professionele onderwysgraad; OF
- 'n Baccalaureusgraad en 'n erkende professionele onderwyskwalifikasie; OF
- 'n Vierjaar- professionele onderwyskwalifikasie, asook 'n gevorderde diploma in 'n verwante subveld van die onderwys; EN
- 'n Motiveringsbrief indien die aansoeker nie in Grondslag- of Intermediêre Fase gespesialiseer het nie

Studente wat onmiddellik ná die suksesvolle voltooiing van 'n BEd-graad of NGOS op NKR-vlak 7 met die BEdHons in Leerondersteuning wil voortgaan, moet 'n minimumgemiddeld van 60% vir die BEd-graad of NGOS hê.

As alternatief moet studente oor die voorgeskrewe, voorvereiste kwalifikasie beskik en ten minste vyf (5) jaar se onderwyservaring hê. 'n Bewys van die vereiste onderwyservaring moet verskaf word deur middel van 'n gestempelde briefhoof van die betrokke skool/skole waarin die volgende inligting bevestig word:

- die aantal jare wat u voltyds by die betrokke skool werksaam is/was; en
- 'n aanduiding van die vakke wat u aanbied/aangebied het, byvoorbeeld Wiskunde vir graad 5-leerders.

Toelating van studente sal plaasvind na die goeddunke van die Toelatingskomitee ten einde te verseker dat voornemende studente oor die nodige akademiese vermoëns beskik wat vir 'n NKR-vlak 8-kwalifikasie vereis word.

Modus van aanbieding

- Hierdie kurrikulum word aangebied deur middel van 'n afstandsonderrigmodel met 'n hoë vlak van aanlyn ondersteuning.
- Onderrigondersteuning vind deurlopend deur middel van e-Klas (aanlyn) plaas.
- Toetse en eksamens word vanaf 'n Maandag tot 'n Saterdag deur die loop van die dag asook vroeggaand afgelê. Datums en tye word vroegtydig gekommunikeer.

Kurrikuluminligting

- NKR-vlak: 8
- Krediete: 128
- Modules per jaar: 11
- Studietydperk: een jaar (voltyds); twee jaar (deeltys)

Beraamde kostes vir 2024

- Aansoekgeld: R250
- Registrasiegeld: R3 500
- Klasgeld: R48 300 (In die geval van deeltydse studies, is die bedrag betaalbaar oor 'n periode van twee jaar, ooreenkomstig die spesifieke modules wat in elk van die twee jaar geneem word).
- Handboeke: +- R7 000



A r o s

*Dis 'n fees om 'n
Arrie te wees!*

Kontak ons gerus met enige navrae!



www.aros.ac.za



012 332 3227



info@aros.ac.za